



Orientalni institut u Sarajevu



Poštovani,

U 2015. godini, navršava se 65 godina postojanja i rada Orientalnog instituta u Sarajevu.

Svojim dosadašnjim radom Orientalni institut u Sarajevu istakao se kao respektabilna naučna institucija sa zadatkom da prikuplja, obrađuje i publikuje rukopisnu i arhivsku građu na arapskom, turskom i perzijskom jeziku, proučava te jezike i njihove književnosti s posebnim osvrtom na stvaralaštvo Bošnjaka na ovim jezicima, te proučava historiju, kulturnu historiju i orijentalnu umjetnost u Bosni u doba osmanske uprave, radi na usavršavanju naučnog i stručnog kadra u oblasti orijentalistike, saraduje sa srodnim institucijama u zemlji i inostranstvu i objavljuje rezultate naučnoistraživačkog rada putem svojih publikacija.

Zahvaljujući činjenici da su u Institutu radili gotovo svi najbolji orijentolozi sa ovih prostora, Orientalni institut je izrastao u jednu od najuglednijih naučnih institucija u Bosni i Hercegovini u oblasti humanističkih nauka.

Svojim radom Orientalni institut je stekao izuzetan renome, ne samo na ovim prostorima nego i mnogo šire.

U maju 1992. godine, tačnije 17.05.1992. godine, navođenim projektilima zapaljena je zgrada Orientalnog instituta, pri čemu je skoro u cijelosti stradala rukopisna i arhivska zbirka, koja je po svom obimu bila jedna od najbogatijih rukopisnih i arhivskih zbirki na Balkanu, s preko 5.263 kodeksa manuskripta, 7.156 dokumenata iz perioda 16-19. stoljeća (fermana, berata, raznih izvještaja i isprava), 116 kadijskih sidžila, Vilajetski arhiv sa oko 200.000 dokumenata iz 19. stoljeća, te bogata zbirka stručnih knjiga.

S obzirom na činjenicu da se radi o važnom datumu kada je Orijentalni institut zapaljen u agresiji na Bosnu i Hercegovinu 1992-1995. godine, Naučno vijeće Orijentalnog instituta je na svojoj sjednici od 12.01.2015. godine donijelo Odluku da će se 15-17. maja ove godine obilježiti 65 godina postojanja Orijentalnog instituta prigodnim trodnevnim programom, kao i datum stradanja Instituta tokom agresije na Bosnu i Hercegovinu.

Za petak, 15. maja, predviđena je konferencija za štampu, a 16. i 17. maja naučni skup i promocije izdanja Instituta.

Posebna nam je čast obavijestiti Vas o organiziranju Trećeg međunarodnog naučnog skupa „Kulturno-historijski tokovi u Bosni od 15-19. stoljeća: povodom 65 godina Orijentalnog instituta Univerziteta u Sarajevu“. Ukoliko budete imali vremena prisustvovati skupu, biće nam posebna čast ugostiti Vas.

Za detaljnije informacije, upite možete poslati na sljedeće e-mail adrese:

konferencija.ois2015@gmail.com

madzidam@gmail.com

Orijentalni institut,
Zmaja od Bosne 8b
ois@bih.net.ba

Kontakt telefoni: 033/225-353 i 033/220-957;

Kontakt osoba: Madžida Mašić

Predsjedavajući Organizacionog odbora
Dr. Adnan Kadrić, direktor